



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Historia Sanctorum Joachim Et Annæ Geneseos, Vitæ,
Transitus Et Connexorvm**

Polius, Jacobus

Heripoli, 1652

20. An v. Maria fuerit filia hereditans ?

urn:nbn:de:hbz:466:1-43946

res noverant, ex quatuor tribu Christus nasciturus esset:
eandemque causam insinuat Rupertus.

3. Tertia ratio, quod mediantibus oraculo
divino, & virgine florescentis miraculo, intra tri-
bunum Juda B. Virgo sponsata fuerit, uti §.21.
paulo post sequenti & par. 2. q. 23. sufficienter
probabimus.

*An Maria fuerit filia here-
ditans? §.20.*

Petrus Damiani^a Cardinalis serm. de nativ.
B.M. Virg. ad hunc modum loquitur: *Libet
autem nunc pro ædificatione nostrâ, in regulâ divi-
nae justitiae parum per radios mentis insigere, & qua-
liter Deus electos suos deprimi temporaliter finat
atque in æternum extollere decreverit, indagare.*
Atque idem Scriptor mox ibidem beatissimam
virginem Mariam ante constitutionem mundi,
in consilio æternæ sapientiæ electam, ducit in
exemplum. Stante itaque hujusmodi temporali
depressione consurgit quæstio à Rutilio Benzo-
nio^b mota, quam Eusebius Emissenus hoc com-
plexu verborum resolvit: *Sed fortasse dicis beatissi-
mam virginem Mariam non habuisse heredita-
tem? Lege ergo in Levitico, & invenies, quod nemo
hereditatem suam ex toto vendere poterat, et si usum
ejus vendere potuisset, veniente namque Jubilao
omnis hereditas ad proprium Dominum reverte-
batur.*

2. Vc-

^a Surius 8. Septemb. Franc. Feuard. Theor. lib. 10. c. 1. n. 5.

^b Benzon. de Jubilao l. 5. c. 12.

2. Verum enim verò instabis, quod illa lex de possessionibus in aliam tribum non transferendis judicialis erat, obligans populum Israelsolum in terrâ promissionis existentem, & illam terram ut propriam inhabitantem; Ratio est, quia materia illius legis erat terra promissionis, in quantum propria duodecim tribubus inibi existentibus, vel illis data in possessionem; cum autem teste Francisco Ribera,^c decem tribus è captivitate Babilonicâ non redierint in Palæstinam, sicut tribus Juda & Benjamin, quando pridem ante Deus abstulerat Dominium illius regni à populo suo, & transtulerat in Assyrios; unde mutatâ vel sublatâ materiâ legis mutata quoque vel sublata fuit lex. Cui asserto consonat Gregorius^d Nazianenus in carmine genealogico Christi Græco, ejusque Translator Abbas Jacobus Billius accinens:

Atque itidem Assyriæ postquam manus impia ferro

*Evertit solymas, tunc nec distinctio certa
Servata est tribuum, generis nec sectio prisca.*

Ad præmissa hujusmodi respondetur juxta vulgatum illud: ibant quò poterant. Sic ergo S. Joachim in forte tribus Juda hæreditatem non habuit? attamen historiæ consonant quod Joachim hæreditatem habuerit in tribus Zabulon oppidis, Nazaretho ac Sephoro, atque in forte

H 5 tribus

^c Ribera in c. 1. Oœx n. 96. Abulens. in c. 2. Matth. q. 88.

^d Nazian. in carmine de geneal. Christi.

tribus Benjamin, Hierosolymis possederit domum probaticum atque agellum suburbicum, ut tradit Peronius principio vita B. Virg. Jam nunc teste Eusebio antea relato manifestum est, quod beatissima virgo Maria nobilissima heres parentibus suis in hereditatem successerit: siquidem nec fratres habuit. Et quomodo sine hereditate esse poterat, quae ex nobilissimis parentibus orta fuerat? Filiam unicam Patris sui fuisse confirmant Azorius Institut. moral. tom. 2. lib. 1. c. 19. & Emissenus §. 19. relatus.

3. Post Theophila&tum & Euthimium in c. 19. Joannis, noster P. de Licio ^e collimat in id ipsum dicens: Cum ergo Joachim pater virginis, & Anna eius gloria mater, alium filium vel filiam non haberent, ad virginem tota transiit hereditas. Doctor Seraphicus ^f contestatur, virginem Mariam domum Nazarethi habuisse, cui consonat P. Salmeron ^g in terminis: Nazareth cur Christi Civitas appellatur? Propria Iesu patria Bethlehem erat: sed in suâ peregrinus erat, in alienâ civis. Peregrinus quia ibi non possidebat quidquam: Civis, quia utcunque in Nazareth domunculam habebat; ut & quoque ipse exul videretur, qui exulum reductor venit. Cubiculum etiam Lauretanum in paternis ædibus Joachim & Annæ fuisse Benzonius tradit. ^h

^e De Licio serm. 32. ^f Bonaventura c. 6. medit. vita Christi. ^g Salmeron tom. 3. tract. 43. pag. 404. ^h Benzon. de Jubil. l. 2. c. 21.

Modus